

Ukulumbula Kusuma

1 Timoti 6:12, “Pilikito ukupilikita kusuma kwa citetekelo, ikata ku mweo wa muyayaya, uo waitilwemo, ilyo walumbwile ukulumbula kusuma ku menso ya nte ishingiri.”

Nomba, ibukisheni, **ipalo lyonse lya kulubulwa lyalishitwa kale. Umutengo walilipilwa. Kwaba fye inshila imo iyo mukatala ukupokelela lyena, cilya caba ukucetekela cena no kusumina cena.** Ena ni Shimapepo wesu Mukalamba wa fyakulumbula fyesu (*Abahebere 4:14-16*). Abahebere ilesosa palya, nkalata yaba Hebere itila, **“Ena ni Shimapepo wesu Mukalamba wa fya kusosa fyesu.”** Ukusosa no kulumbula fyaba icintu cimo cine, mucine. **E ico kanshi, Ena teti atucitile icili conse ifwe mpaka intanshi twalumbula ukutla Ena alicita cilya. Kabili lyena ilyo twalumbula cena, lyena Ena ni Shimapepo Mukalamba, Kapapatila ukuya mukubombela pali cilya no kucilenga ukuba icalungama.** E ico tulepepa, ukusubila muli Lesa ilelo, mu cikuku Cakwe no luse, ukutla Ena ali nokutupela ubwingi bwa kusenamina Kwakwe. Kabili nomba ibukisheni: **imwe mulingile ukusumina cena.**

Umubembu kuti aisa pano pa cipailo ngo mwaume wa caice atemwa umwanakashi pa cimo ica myaka yaku fyalwa ikumi limo na fine, kabili bena kuti baleta ifya kulya fyenu pano, kabili imwe kuti mwabilikisha kuli Shikulu mpaka imwe mwali ne myaka iya kufyalwa amakumi pabula, imwe teti mutale mupusushiwe. **Imwe mulingile intashi ukusumina ifyo Ena amucitila imwe.** Mwamona? **Mulingile ukusumina cena**

mwebene. Lyena ilyo mwasumina cena, lyena Ena ni Shimapepo Mukalamba, Kapapatila, ukucita ukupapatila pa fya kulumbula kwenu ifyo imwe mwacetekela. [1]

Lyena Ena teti acite akantu mpaka intanshi ifwe twalumbula ukutila Ena alicicita. Mwamona, imwe kuti mwaisha pano pa cipailo no kupepa ubushiku bonse, teti cimucite imwe icisuma nangu cimo **mpaka mwacetekela ukutila Ena alamubelela uluse, lyena muleminina.** Imwe mwalikele uku lubali mu fiko fya lubembu. Nomba, imwe mwe bapilibulwa abanono, nomba mulecetekela mwalipusushiwa, bushe tamucita? (*Marko 16:16*). Lyena imwe mwa libukile kuno, mwali ninine apasansama panono. Ni cinshi icicita cilya? **Icitetekelo cenu, pa mulandu mwalicetekela ukutila muli Benakristu nomba;** imwe muli no kwikala pa mulu wa cilya cintu nomba. Mwamona? Nomba, nga mulefwaya ukunininako apasansamishako panono, **kwateni fye icitetekelo icingi, pa mulandu cena tacipelela;** twalileni fye...

Cisuma, owe, icishingacitika kuti calengwa icituntulu. Ifintu fyonse filacitika kuli abo abacetekela (*Marko 11:22-24*). Cilya cishinka. “Nga mwasosa kuli ulu lupili, ‘sendwa,’ kabili tamutwishike mu mutima wenu, lelo mwacetekela ukutila ico mwasosa cikesafikilishiwa, kuti mwakwata ico mwasosa.” [2]

Nomba, moneni, aba abe kumi cinelubali, bena balifumineko pa mulandu tacasumininshenye na cilya bacetekele ukuba icalungama (*Yohane 6:60-66; Luka 10:17-20*). **Ifwe tatukwete amatontonkanyo ukwisa; ni cilya ico Ena asosele. Imwe mulakana ukutontonkanya kwenu mwebene. Imwe musosa fye ifyo Ena asosa.**

Kulya kulumbula ukwine kwine. “Ukulumbula” cipilibula “ukusosa icintu cimo cine.”

Nga cakutila nalumbula ukutla icintu cimo calicitike, ndesosa icintu cine ico icacitike. Filya e fyaba ukulumbula ukwine kwine; kabili Ena ni Shimapepo wesu Mukalamba wa fya kulumbula fyesu – **ukusosa icintu cimo cine Lesa asosele**. Mwamona, cilya e cicilenga icalungama. Pa mulandu imwe mulebwekeshapo Icebo cakwa Lesa. [3]

Imwe tamulebomfya amatontonkanyo yenu mwebene; **imwe mulebomfya amatontonkanyo Yakwe**. “Leken i amano ayali muli Kristu yabe muli imwe” (*Abena Filipi 2:1-11*). Mwamona? Tontonkanyeni inshila Yakwe iya kutontonkanishamo; soseni ifyo Ena asosa. “Ukulumbula” cipilibula “ukusosa icintu cimo cine.” Ukulumbula caba ukulumbula icintu cimo cine, ukusosa icintu cimo cine. **Lyena mwi lumbula amalenganyo yenu aya mano yenu. Fyalweni cipya cipya** (*1 Petro 1:23*). Kabili **lumbuleni Icebo Cakwe, lumbuleni ifyo Ena asosele. Kulya e kulumbula**. Soseni, “Ku fipumo Fyakwe, naliposhiwe” (*Esaya 53:4-5*). Na kufipumo Fyakwe, nalikwata insambu—ku filaso Fyakwe ino ine nshita **ninkwata insambu ku kupusushiwa. Ni nkata insambu ku Mupashi wa Mushilo. Ena ali laya cena kuli ine**. Atile, cena cili muli imwe na bana benu, na bonse abali ukutali, kabili nabo bonse abo Shikulu Lesa wesu aketa.” (*Imilimo ya Batumwa 2:37-41*). Nalicetekela cena. Ca nkulo shonse.

[4]

Ndesunguka fye pali balya bantu. Ndabasanga mukulongana kwa kundapa. Nalimona abantu ukwisa ku Ntanshi, abapofula umupwilapo. **Panuma yakupêpelwa no kundapwa no kubelenga Baibele,**

ukwenda ukuya kulya no kulumbanya Lesa. No kubakumanya mu myeshi mutanda kabili baba fye abapofula ngefyo bali pakutendeka.

Nomba, ukundapwa kwa Bulesa kwaba fye ukwa kosa ngefyo icitetekelo cenu cili, kabili cipwa fye ngefyo icitetekelo cenu ciba.

Cabela pa fyo icitetekelo cenu caiminina. Ipusukilo lyenu lyaba fye lisuma ilyo lyonse ukulumbula kwenu kusuma. Lelo ilyo ukulumbula kwenu kwaleka, lyena ipusukilo lyenu lyaya. Pa mulandu Ena ni Shimapepo Mukalamba uyo uwaikala ku kwakulyo kwakwa Lesa ukucito kupapatila pafya kulumbula fyenu, cilya e cicitika (*Abena Roma 8:31-34*). [5]

Nomba, ici apa ifyo cili, mwe fibusa. Mwamona, nga kuti mwa Cumfwa, imwe muli Benakristu pa mulandu mwalicetekela ukutula muli Benakristu. Kabili fyonse fyapwishiwa pa mulandu Wene ni Shimapepo Mukalamba (*Abahebere 3:1-6*).

Nomba, moneni. Ena ni Shimapepo Mukalamba wa fya kulumbula fyenu (*Abahebere 7:25-27*). Muleumfwa ico ndepilibula? Ifyo mulelumbula ukuti efyo mwaba, filya efyo mwaba. Umwaume uuli onse takekale ukucilapo, atemwa ukupulamo, ukucila ifyo Ena acetekela ukutula ekala.

Imwe mukasende umwaume uyo ulanda pa kunwa inshita fye yonse. Ena alanda palwa kunwa; ena atontonkanya pa kunwa; ena aya fye muli lilya line bumba, esa mukuba cakolwa. Umwaume uyo utontonkanya pa fintu fyakowela; alolekesha pa fintu fyakowela; atontonkanya pa fintu fyakowela; abelenga ifyakowela... [6]

Imwe teti mwikale ukucila pafyo imwe mulumbula ukuti efyo mwaba. Caba ukulumbula kwenu e ku mupususha imwe. Uyo ukanumbula Ine ku bantu, ena Nkesa mulumbula ku cinso cakwa Taata na ba Malaika bamushilo (*Mateo 10:32-33*). Ilyo mwatila muli balwele, muli balwele. Nomba, nshileshimikila Ukufwailisha kwa Bwinakristu nomba. Nde shimikila amaka yakwa Lesa (*1 Abena Korinti 1:18*), kabili Mupashi wa Mushilo ulapela ubunte pali cena. Mwamona?

Lelo pano efyo cena cili. Imwe mulasumina Wene pa mulandu muleumfwa ukutila Wene ali mupususha imwe. Kabili **imwe mulaya ukulaeba abantu, ukupela ubunte pali cena, kabili ukucetekela ubunte bwenu, kabili cilabomba ubulungami. Cikacita icintu cimo cine ku kundapwa** (*Abena Roma 10:9-10*). [7]

Ena taba fye Icebo, lelo Ena ni Shimapepo Mukalamba wa Cebo Cakwe Umwine (*Abahebere 2:17-18*). Musangonshi twingatwishika cena? musangonshi twingenda kuli Wene kabili no kuna cetekela ukutila tulapokelela ico tulombelapo? (*Mateo 7:78*). **Pantu Ena e Cebo kabili kapapatila wa Cebo.** Logos aishileba Cebo (*Yohane 1:1-3, 14*), kabili Icebo calengelwe umubili; kabili umubili umo wine uwali Cebo, wapokelelwe mu bukata, **kabili nomba ni Shimapepo Mukalamba ukucito kupapatila Umwine ku Cebo Cakwe.** [8]

Nomba, ibukisheni, tacili mu bwingi ifyo mulila, te mubwingi ifyo mulapila; ta caba ifyo mwingabilikisha kuli Lesa; tacili ifyo mwingaba aba bufuma cumi; **caba ubwingi bwa citetekelo ico mukwata ilyo mwaisa kuli Wene. Ena tapususha imwe pa busuma bwa mapepo yenu.** ⁵Ena ta mupususha imwe pa busuma bwa

bulungami bwenu. Ena alamupususha imwe pa busuma bwa citetekelo cenu. Ni ku citetekelo eko mwapusushiwa, kabili cilya ukupitila mu kusenamina (Abena Efese 2:8-9).

Nomba, imwe mulesa pa cipailo ukwishiba ukutula muli mubembu kabili muli no bulanda pa membu shenu. Imwe mulalapila pafyo mwacita. Kabili **imwe kuti mwaikala palya no kulila imilungu mukati na kunse. Kabili cena teti cimupusushe mpaka mwacetekela mu mutima wenu ukutula na mupusushiwa. Bushe cilya cishinka? Lyena mula lumbula cena (1 Timoti 2:3-6).**

Nomba, Ena teti amucitile nangu cimo kano **mwalumbula cena. Bushe cilya cishinka? Pa mulandu Ena ni Shima pepo Mukalamba wa fya kulumbula fyenu. Ena teti acite kantu... "Mukanumbule ine ku cinso ca bantu, Nkamilumbula imwe ku cinso cakwa Taata." Bushe cilya cishinka? "Ico mulesosa ukutula Nali micitila imwe kuno imwe, cilya eco Nsosa Taata ukuti e co namucitila imwe."** Ena ni Shima pepo Mukalamba. Bushe uleumfwa ici we mulumedo? Shima pepo Mukalamba wa fya kulumbula fyenu.

Nomba, pano Ena naikala ukucito kupapatila ku fyakulumbula fyandi, kabili **ninkwata insambu ukulumbula ukuti Ena alincitila icili conse ine ico icaba mu mapalo yakulubula. Mwacimone co.**

Yali ni finshi amapalo yakulubulwa? "Ena alashilwe pa fya bupulumushi fyesu, afwantilwe pa mampulu yesu, akalimunwa ka kuti tumwenemo ubutuntulu kali pali Wene, na kufipumo Fyakwe twaliposhiwe." (1 Petro 2:24). Bushe cilya cishinka? **Cilya cikwatwa ca watetekela onse. Cilya candi.** [9]

Lyena lumbuleni. Cinshi? "Ku filaso Fyakwe nalipo^oshiwe; ku kusenamina Kwakwe nalipusushiwa;

ku bulayo Bwakwe, nakulanakila, kabili ndi no kwisushiwa na Mupashi wa Mushilo.” (*Imilimo ya Batumwa 5:32*). Mwacimone ci? Nga imwe mwalishininwa ukutula Ena alasunga Icebo Cakwe, lelo intanshi mulingile ukushininwa. [10]

Kabili icabulwi conse icakwa Lesa caba icakupapusha (*Abena Efese 6:10-20*). Ni cinshi icabulwi cakwa Lesa? Ukutemwa, ukusekelela, umutende, ukutekanya, ubusuma, ukufuka, ukutekomutima, ukushipikisha, icitetekelo (*Abena Galatia 5:22-23*). E ico yonse imilimo ya cifyalilwa icitwa nge lambo lya kwa Kristu. Ifwe tucetekela fye cena. **Ni ku citetekelo. Tapali nangu cimo ico mulingile ukumona, tapali nangu cimo ico mulingile ukumfwa; mulingile ukucetekela cena.** Yesu tatalile sosa, “Bushe mwalicimona? Bushe na mu cumfwa?” **Ena atile, “Bushe na mucetekela cena? Bushe mwalicetekela cena?”** (*Marko 9:23-24; Mateo 8:13*). [11]

Nga imwe mwacetekela Lesa ali no kumupususha, imwe mulingile ukucetekela cena elyo kabili ukulumbula cena ukutula Ena alicicita, ilyo tacilaisa...

[12]

Ukundapwa kwashintilila pa citetekelo cenu. Ukwishibikwa kwakwa Lesa kwa shintilila pa bulayo bwa Cebo Cakwe, lelo icitetekelo cenu mu kwishibikwa Kwakwe eci mundapa. Nga tamulecita, te mulandu, umuntu uwa mushilo nganshi mwi sonde lyonse kuti aiminina pano no kupepa akasuba konse, cena teti cicite icisuma nangu cimo mpaka mwacetekela cena, nganshi, mwebene. Yesu kuti aimini⁷na pano Umwine, mu mubili alimo, ukubika

indupi pali imwe, kabili nalyo line teti mundapwe. Nibanga abaishiba cilya? “lingi imilimo iyapulamo Ena teti acite pa mulandu wa kukanacetekela kwabo.” Yalya Malembo.” [13]

Ulubembu lonse mwi sonde lwalilekelelwe ilyo Kristu afwile pa Kalbale. Bushe mulecetekela cilya? Kuliko icikonsolwelo ca Mulopa pa cipailo pa membu she sonde. **Lelo tacakamucite ubusuma nangu bumo mpaka imwe mwasumina cena no kulumbula cena.** Mwamona? Kabili Ena teti abombele pali cena mpaka intanshi mwasosa, kabili ku Citetekelo mwasumina cena.

Lyena Ena ni Shimapepo Mukalamba ukucito kupapatila pa fya kulumbula fyenu. Mwamona, ena teti asele, Ena alakakwa; takuli nangu cimo ico Ena engacita, **mpaka intanshi mwasumina cena no kulumbula cena; kabili ukufuma mu mutima wenu mwacetekela cena.** Lyena cilamukumya Wene, kabili lyena Ena kuti atendeka ukubomba pali cena no kucito kupapatila pali imwe. Mwacimone co. [14]

Abantu fye bamo balilengwa insoni. Panuma bena basumina Shikulu Yesu nga Kapususha, bena balaya kunse kabili balomfwa insoni ukulumbula Wene. Inshita ishingira bala musumina Wene nga kondapa Wabo, kabili balaya kunse kabili balomfwa insoni ukulumbula Wene. Imwe tamulingile ukumufwila insoni Wene (*Marko 8:38*). Temulandu ifilecitika, mulingile ukwiminina kuntanshi ukwiminina pa bunte bwenu.

Pantu Lesa kuti apususha fye imwe ilyo mulepela ubunte. Ena kuti amundapa fye imwe ilyo mulepela ubunte. Ena naikala ku kwa kulyo kwa kwa Taata ukucito kupapatila pa fya kulumbula kwenu. Tacaba ifyo mwingabilikisha, ifyo mwingoma pa cipailo na

maka, ni finga ifintu ifisuma ifyo mucita; caba icitetekelo cenu ico icimupususha.

Kabili nga mwalumbula ne milomo yenu **kabili ukufuma mu mutima wenu**, Ena alaya mukubomba nga Shimapepo Mukalamba uwaikala ku kuboko kwa kulyo kwa kwa Taata ukucita ukupapatila pa fya kulumbula Fyenu. Abahebere 3:1, Ena teti amucitile icintu nangu cimo kano intanshi mwacetekela cena no kusumina no kulumbula cena ukuba ifyo.

Kabili abantu ilelo, bali no kuya kunse, ukusosa, “cisuma, nalyumfwile bwino mailo bushiku, lelo ilelo nde umfwa ububi nganshi teti nshipikishe cena nangu panono.” **Cilya ni filya fine ilyo mwalufya ukulumbula kwenu no kwisa fye panshi.** Te mulandu ifyo mwaba, ifyo mwaba aba mushilo, ifyo mwaba ababulesa, uli kapyunga, shimapepo, atemwa uli dikon, atemwa icili conse ico uli, atemwa uli Mwinakristu pa myaka amakumi yasano, nga mwafuma muno mailo no kulufya icitetekelo ukutla uli Mwinakristu no kutendeka ukweba abantu ukutla tauli Mwinakristu nakabili, imwe mwabwelela kunuma. Imwe mwaya. [15]

Imwe muli nokufuma muli cino cikulwa ukupelo bunte ukutla mwalipusushiwa. Inga cakutla mwafuma mucikulwa ukusosa ukutla, “cisuma, nshishibe.” Lyena tamwapusushiwa. **Lelo Lesa akalenga umubili wenu ukunakila ukulumbula kwenu.** Mwamona? Kabili Ena ni Shimapepo Mukalamba wa fya kulumbula fyesu. Ilyo tamulaundapwa, mulingile ukulumbula cena intanshi. Imwe mulingile ukucetekela ukutla na mundapwa. Kabili lyena ilyo mwacetekela ukuti mwaundapwa, Lesa alalenga umubili wenu ukunakila ukulumbula kwenu. E ico nomba ilyo mwaisa kuno, lekeni fye cipwishiwe; soseni, “Lesa, ici cebo Cenu. Ndecetekela naundapwa,” ... [16]

Nomba, ilyo mwaba Umwinakristu, imwe mulesa no kulumbula Yesu Kristu ukuba Kapususha wenu. Imwe mulacetekela cena? ilyo mwaya kunse, ifibusa fyenu ifisusha, batila, “Nshilemonapo ubupusano ubuli bonse muli iwe.” Lelo mulecetekela eko kwaba. **Lyena mulaya ukulacita kwati eko kwaba.** Lyena panuma yakashita cila muntu aleshiba ako kwaba.

Mwamona, Yesu ni Shimapepo Mukalamba wa fya kulumbula fyesu. **Ena teti amucitile nangu cimo imwe, mpaka intanshi mwasumina cena no kulumbula ukutula calicitwa kale. Kabili Ena ali nokulenga umubili wenu, icifyalilwa cenu, ukwisa mukunakila ku Cebo Cakwe.** Bushe muleiluka nombaba? **Imwe mulingile ukucita kwati cena naci citika kale.** [17]

Kabili ilyo ukuputwamo kwa Mupashi wa Mushilo kuli pano uku muputamo imwe, ibukisheni, Lesa akalenga umubili wenu ukwisa mu kulumbula kwenu. Nga mulesosa ukutula muli cakolwa, kabili mulefwaya ukunwa. Mwilasakamana, imwe muli no kuba umo ililine. Nga mwatila ukuti muli mubembu, kabili mulefwaya ukubembuka, muli no kuba fye muli lwena.

Nga mwatila muli Mwinakristu kabili mulacetekela cena lyonse, **ubunte bwenu buka muleta imwe mulya mwine muli cena.** Nga mwalicetekela mukundapwa, kabili mwacetekela ukutula Lesa na mundapa imwe, lumbuleni cena, kabili **Lesa ali nokulenga umubili wenu ukunakila ukulumbula kwenu, pantu Wene ni Shimapepo Mukalamba wa fyakulumbula fyenu;** naikala ku kwakulyo kwa kwa Taata nombaba **no Mulopa Wakwe Umwine** ukucita ukupapatila **pantu ukulumbula ukuli konse pa cintu icili conse ico Ena afwililepo.**

Kabili Ena afwile ukufumyapo ulubembu. Kabili amalwele yaba pamulandu wa lubembu. “Ena alashilwe pa fyabupulumushi fyesu, na mu fipumo Fyakwe twaliposhiwe.” Ibukisheni cilya. Kwateni icitetekelo. Mwisunkanishiwa. Iminine pali cena. [18]

Moneni, lekeni twibukishe, Ena nacimbi alengele imibili yesu. Bushe imibili yesu tayakanakile Wene? Ameni. Imwe mulatula amatontonkanyo yenu kuli wene, mulatula ubumi bwenu kuli wene, mulatula icitetekelo cenu kuli Wene, **kabili moneni ulya mubili ukunakila ifyo Ena asosa.** Nga muli cakolwa kabili teti muleke ukukolwa, tuleni bulya bumi kuli Wene kabili, moneni, imwe tamwakanwe nakabili. Nga muli umo upepa fwaka nganshi, kabili mwalyesha ukulekelako yena kabili teti mucicite, mukatule fye cilya kuli wene kabili mukamone ico icikacitika. **Ena akalenga ulyo mubili ukwisa mukunakila Icebo.** Ee, mukwai. Lelo mulingile ukuitula kuli Wene. Imwe mulingile uku cetekela Wene. **Ena alengele imibili yesu; yena ilanakila ubufwayo Bwakwe nayo. Bushe mulecetekela cilya?** Nga muli Mwinakristu, imwe mulingile ukuba. [19]

Uyu uli apa namayo, kabili ilyo Shikulu abilishe pali uyu umwanakashi umunono ukutila ali nokuba umutuntulu, ena alyundepwe, cisuma, **ena aile panse aletotela Shikulu.** E ico alitontonkenye ukutila kuti atwalilila fye, ukuba bwino. Kabili aliile no kwesha ukulya. Owe, bushe alilwele. E ico lyena mu nshiku ishinono, calitwalilile ukubipilako, kabili kuti aesha ukulya no kupatikisha cena mukati kakwe, aluka cena, no mulopa.

Abantu mubena mupalamano batendeke ukutontonkanya mu milungu inono...Kabili umulume

wakwe atile, “We mutemwikwa, ndecetekela ukutula wakulapela ubunte ifyo fine, iwe uli no kuleta umusebanya pa mulandu wakwa Kristu.”

Kabili atile ku mulume wakwe, “nga cakutula ulya mwaume aliiminine palya, umwaume fye kabili ukuputwa, kabili alinjebele ifintu ifyo nacityle mu bumi bwandi, alinjebele ico icalengele icilonda ca mumala ne cacitike, kabili ne fyo cena cali, kabili alinjebele, ‘EFYO ASOSA SHIKULU’ **icimonwa calangishe ukutula nali no kuba umutuntulu, bushe uletontonkanya kuti natwishika cilya?**” Ena atile, “Ukusebana atemwa ukukanasebana, kuti caba ukusebana nganshi kuli ine ukutwishika cena.” Ifyo ena ali uwalungama.

Kabili ulucelo lumo panuma, ndemoni, imilungu isano atemwa ukucilapo, ena alesamfya ifipe ulucelo lumo. Abana baile ku sukulu, **kabili mukupumikisha fye aishilekwa imyumfwile iyaibela ukumwikasha.** Ena alitontonkenye, “Ni cinshi ici?” **Wene alyumfwile ukupalwa nganshi.** E ico Lyena atontonkenye, “Cisuma, nalimo ni Shikulu fye ukumpala.” Wene ali Umwinakristu umwanakashi umusuma nganshi, umwanakashi uwacaice nalimo mu cimo cakwe amakumi yatatu. Kabili alyumfwile insala nganshi. Kabili ena atile, “Owe, ifyo ningatemwa ukuba uwalinga akaputulwa fye akanono aka mukate uwaocewa. Kabili alikele panshi no kulya umukate uwaocewa. Panshita fye inono waishile fuma, nga calicicetilwe. Lelo ilya nshita tafyafumine, alyumfwile bwino.

Cisuma, wene atontonkenye, “Namwishiba nga cakutula cilya cili fyo, ndecetekela ndi no kulya fye yamo ama oats pano ayo abana bamo bacisha mu mbale yabo.” E ico alikele panshi no kulya ama oats. Nomba, namwishiba ubunga bwa oat ifyo bucita munda umuli acid. Kabili alilolele nalimo amaminiti ikumi limo na fisano atemwa amakumi yabili, kabili tafya mucushishe

wene. E ico alikele panshi no ku kwata ukusangala ukwakumanina. Wene asalwile amani yakwe, asendele kapu ya kofi, aipakishe fye fyena. Kabili alilolele nalimo ama miniti amakumi yabili atemwa amakumi yatatu. Kabili ilingiline mu maminiti yasano ena ninshi nafiposa kale.

Kabili ena alyumfwile bwino nganshi. Ena atile, “Namwishiba, ine teti nsunge fye ici cintu kuli ne mwine.” E ico mulya musebo aile ku mwina mupalamano uyo uwapepelwe inshita ya bushiku imo ine, uyo uwakwete icimumena ku mbali ya mukoshi wakwe. Cisuma, umulume wakwe alinakile. Balibukile mukucelwa. Kabili ilyo afikile ku ng’anda ya musango ifi iminshi inono pesamba lyakwe, ena atontonkenye balikwete Salvation Army mulya. Ena tatalile ukumfwapo ukubilikisha ukucitwa mu bumi bwakwe bonse. Ena atontonkenye, “Cisuma, ni cinshi calubana?” Ena alibutukile mukati no kusosa, “Lydia, bwafyanshi?”

Wene atile, “Owe, Bertha, ndefwaya nkwebe. Nacibuka fye. Nacilala mulya. Twaciba natubuka pakashita kamo; nacumfwa **imyumfwile ituntulu iyaibela**. Kabili twacikunta nangula ne nsalu shakulalapo. Ifwe teti tusange cilya cimumena. Cena naciya.”

Cisuma, ena alilandalile ilyashi lyakwe. Kabili bena baishile ba fye abasangala, kabili baile senda umo muntu mu bena mupalamano kabili baishile muli kumo ukulongana kwandi ico icali nalimo ba mailoshi ikana ubutali. Kabili balipele ubunte.

Nomba, ni cinshi icacitike? **Malaika wakwa Lesa, Uyo uwabilishe lilye palo alipitile mulya mu bena mupalamano ukushininkisha cena. Mulemona? Inga cakutika nga balilekeleko? Mwilekelako!** Imwe

cetekeleni! Ikaleni na cena! Lesa akalenga cena cikafikilishiwe. Mwamona?

Inshita shimo tababomba bwangu pa fintu. Nibanga abaishiba ukutula Daniele ali pepele, kabili casendele, ndecetekela cali inshiku amakumi yabili na cimo, Malaika atile, ilyo ena talafika kuli wene, lelo Ena ali mumfwile (*Daniele 10:7-13*).

Kabili cila nshita ilyo mwapalama kuli Lesa ne citetekelo, Lesa aleshiba cena. Mwamona? Mwisakamana fye? **beni abaisulamo icitetekelo kabili twalilileni ukulacetekela.** [20]

Nomba, ukundapwa takwaba icintu cimo ico musosa fye. “Cisuma, ee, nalicetekela kwena.” Nomba, cilya cifye bwino. Nga cakutula cilya e cawamisha ico mwingacita, mu mano fye atemwa soseni fye, “Eee, ndecimona cena. Nincetekela cilya; nasumina cilya.” Lyena nga mwasumina cena pali ulyo mulingo, twalilileni ukulasosa cena libili libili. **Soseni cena mukubilikisha. Soseni cena ukulabwekeshapo no kubwekeshapo; twalilileni fye ukulasosa, “Naundapwa. Naundapwa.” Soseni cena mpaka mucine mwacetekela cena. Kabili ilyo mwacetekela cena, lyena cili nokucitika.**

Mwikwata ubunte ubwakutwishika. Cila nshita ilyo mwalumbula, “Cisuma, ncili ndeumfwa ububi lelo. Ndemona...” Imwe mubwelela fye muli bulya bwine ubwafya ubo mwalimo mu kutendeka. Takuli umwaume atemwa umwanakashi muno uyo uwabatishiwa na Mupashi wa Mushilo lelo uyo uwingatendeka ukulumbula kwenu, “Ndecetekela nindufya Mupashi wa Mushilo. Ndecetekela Wena naufuma pali ine...” Imwe muli no kuya fye panshi; imwe tamwakatale. [21]

Kabili Ena ali mulaya imwe, cilya cili, “Nga kuti imwe mwacetekela ukutla cili no kucitika.” Nga teti mucetekele Cena, cena tacacitike fye. **Nomba, nangula ine teti nenge imwe ukucetekela. Cena cabupe cakwa Lesa, ukucetekela. Te citetekelo cenu, icitetekelo cakwa Lesa** (*Abena Galatia 2:20*). Icitetekelo cenu ca buntu kuti cacetekela cena bwino, lelo kanofye icitetekelo cakwa Lesa cili mukati ka mutima wenu...Mwamona, icitetekelo cenu ca buntunse kuti ca sumina, ukucita cilya. **Kabili twalilileni fye ukucetekela cena no mutima wenu onse mpaka Lesa asokolwela cena kuli imwe.** Mwamona? **Twalilileni fye ukucetekela cena mpaka Lesa asokolola cena** (*Abena Roma 10:8-10*). [22]

Umwakumona:

- [1] “Ukwita Yesu Mukumoneka” (64-0319), par. 6, 168
- [2] “Imbila Yakusenamina” (61-0827), par. 177
- [3] “Imisango Itatu Ya Bacetekela” (63-1124E), par. 153-154
- [4] “Kristu” (55-0221), par. E-49
- [5] “Ubumi Ubwafiswa Na Kristu” (56-0213), par. 20-23
- [6] “Bukapyunga Ukulondololwa” (50-0711), par.E-55
- [7] “Ulecetekela Iwe Ici?” (50-0716), par. E-11
- [8] “Umukalamba Kabili Kacimfya Uwapulamo” (57-0421),par. 27
- [9] “Ukulangishiwa Ukwa Mupashi” (51-0717), par.E-19
- [10] “Ukushininwa Elyo Nokuposako Amano” (62-0610E), pg.27
- [11] “Lesa Alasunga Icebo Cakwe 2” (57-0307), par. E- 57
- [12] “UKulashikwa Kwandi” (51-0505), par. E-35
- [13] “Ukongola” (64-0315), par.312
- [14] “Ukwefwaya Ukumona Yesu” (62-0712), par. E-17

- [15] “Pa Cebo Cenu, Shikulu, Nalabikamo Isumbu” (54-1207), par. E-46-47
- [16] “Tulangeeni Shinwe Kabili Twalapema” (59-0419E), par. E-71
- [17] “Tulangeeni Shinwe” (55-0625), par. E-2
- [18] “Lesa Nani” (50-0815), par.E-35
- [19] “Ukwita Yesu Pa Cifulo” (63-0804E), par. 101
- [20] “Umweo” (58-0519), par.8-11
- [21] “Sumineni Icabupe cakwa Lesa” (53-0219), par. E-9
- [22] “Imilimo Citetekelo Ukulangishiwa” (65-126), par.327

Ilibwe Ilya Kukulilako Ilya Bumupashi No. 138 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena.

[Munyina Branham mu, Conduct-Order-Doctrine“, page 724]